

CNS9279

R GB 28-11 00193 BB989

bah

UNIPOLAR DUNIA PENUH DENGAN BAHAYA, MAHATHIR

Mahathir-Perang Dingin

Daripada Donald Baptist.

CARACAS, 27 Nov (Bernama) -- Harapan mewujudkan hubungan yang lebih demokratik dan adil antara negara kecil dan besar dengan berakhirnya perang dingin telah hancur, kata Perdana Menteri Datuk Seri Dr Mahathir Mohamad hari ini.

Sesungguhnya, unipolar baru dunia dipenuhi bahaya dengan kembalinya pengaruh yang berkuasa menindas yang lemah, katanya kepada sidang kemuncak kedua G-15. Ucapan beliau diterima dengan baik.

Beliau berkata: +Tindakan bersama dunia yang mengakhiri pencerobohan ke atas negara kecil tidak diterjemahkan kepada pendekatan yang lebih positif untuk mengatasi isu-isu penting yang menyelubungi masyarakat antarabangsa.

+Sebaliknya satu order baru dunia dikemukakan yang seolah-olah menghalalkan campurtangan ke atas hal ehwal negara merdeka.

Katanya, dalam dunia yang bebas ini tentunya ada sebab bagi tindakan bersama antarabangsa tetapi adalah tidak wajar jika keputusan bersama itu adalah untuk mencampuri hal ehwal sebuah negara lain.

Selain daripada order baru dunia ini ialah pengembangan kuat agama demokrasi dan pasaran bebas ditafsirkan secara eksklusif oleh mereka yang menggelar diri sebagai nabi yang ajaran mereka harus diterima sebagai kitab suci. -- lagi

▼28/11/10-36MST

CNS9284

R GB 28-11 00188 BB990

bah

Mahathir-perangdingin? Caracas

+Bukannya kami menentang sepenuhnya pengertian ini. Tetapi seperti dalam semua agama tentunya banyak tanggapan, definisi dan tafsiran. Untuk mengatakan yang hanya ada satu tafsiran mengenai agama baru ini hanyalah untuk mengembangkan perintah perintah sendiri, + tambah beliau.

Datuk Seri Dr Mahathir berkata ugutan dibuat dan syarat dikemukakan atas perdagangan dan bantuan jika ka model politik dan ekonomi negara-negara utara tidak diikuti sepenuhnya.

Katanya: +ia tidak memerlukan analisis terperinci mengenai perkembangan di Soviet Union dan Eropah Timur untuk menyedari yang tiada kesaktian dalam demokrasi pasaran bebas.+

+Mereka tidak membuatkan kemiskinan, butang dan kemunduran hilang dan mereka pastinya tidak menjamin kestabilan, satu keperluan bagi kebaik dan pembangunan masyarakat.+

Datuk Seri Dr Mahathir berkata bersama demokrasi dan pasaran bebas terdapat kepercayaan baru mengenai alam sekitar di mana negara membangun diberi tahu yang mereka perlu menahani aspirasi dan pendekatan ke arah pembangunan supaya kehidupan baik yang dinikmati oleh mereka yang di negara kaya di utara tidak digugat.

+Disebaliknya ketika yang diterima, yang miskin diberitahu malah dipaksa untuk membayar bagi kesejahteraan yang kaya, + katanya. -- lagi

▼28/11/10-39MST

CNS9304

R GB 28-11 00235 BR99J

bah

Mahathir - perang dingin 3 (akhir) Caracas

Semasa menyentuh mengenai isu alam sekitar, Datuk Seri Dr Mahathir berkata alam sekitar dunia juga, salah satu daripada pelbagai isu yang memerlukan kerjasama semua negara, turut terdedah kepada tekanan dan kepentingan golongan tertentu.

+Kami diberitahu bahawa isu bersama seperti laut lepas adalah di luar bidangkuasa negara dan pembuangan sisa radioaktif tidak boleh dimasukkan di dalam perbincangan dunia untuk persediaan UNCED 3992 di Rio.+

+Sebaliknya pengurusan hutan, yang biasanya merupakan satu-satunya sumber kekayaan bagi negara miskin, diberi perhatian utama seolah-olah pengurusan hutan yang betul boleh mengubati semua penyakit alam sekitar+

Datuk Seri Dr Mahathir berkata jika hutan boleh menyelamatkan dunia daripada kesan rumah hijau, sepatutnya perlu ada usaha besar untuk menghidupkan dunia.

Adalah lebih baik usaha ini dijalankan oleh negara kaya dan berteknologi maju di utara yang merupakan pesalah utama mengakibatkan kerosakan alam sekitar dunia, tambah beliau.

+Tiada alasan bagi tindakan negatif seperti memulaukan balak tropika, memaksapenduduk di hutan kekal sebagai primitif dan memastikan negara membangun terus miskin bagi menghalang pembasmian hutan,+ katanya.

Buat masa ini, negara kaya yang meliputi 20 peratus penduduk dunia, bertanggungjawab bagi 80 peratus penyebaran gas rumah hijau dan kebanyakan negara di Eropah Timur serta Amerika Utara mempunyai kurang daripada 30 peratus kawasan yang ditutupi hutan berbanding dengan negara membangun yang mempunyai hutan tropika, jumlah itu melebihi 50 peratus. -- Bernama

▼28/11/11-27MST